

Սիրելի Մելգոնեանցիներ եւ Բարեկամներ,

Արդեն իսկ բոլորեցինք տարեշրջան մը, այս օրեն, երբ լսեցինք առաջին «ըսի-ըսաւները»՝ մեր Հաստատութեան փակման առնչուող: Անցնող տասներկու ամիսները եղան ցասումի, բարկութեան եւ անձկութեան ժամանակաշրջան՝ սուտերով, նենգութիւններով եւ դաւադրութիւններով լեցուն: Ան եղաւ նաեւ մեր տկարութիւններուն գիտակցելու եւ մեր ուժերը վերագնահատելու ժամանակաշրջանը:

Մենք ունինք նոր կառոյց մը՝ ժողովրդավարութեան եւ թափանցիկութեան սկզբունքներու վրայ հիմնուած: Երեւոյթ մը, որ դժբախտաբար, հազուագիւտ պարագայ է Հայկական կազմակերպութիւններու մէջ:

Ինչպէս կը յիշէք, գորեթէ տարի մը առաջ, մենք ունեցանք այժմու վարչութեան ընտրութեան ժողովը: Այն ժամանակ երբ «ըսի-ըսաւներ»ը սկսած էին շրջիլ, իսկ մեր Մեծ Միութենէն ոչ մեկ տեղեկութիւն կը հասնէր հանրութեան:

Կացութիւնը յստակացնելու մտադրութեամբ Պրն. Պետրոս Գալայնեան հանդիպում մը կայացուց Փարիզի մէջ, ՀԲԸՍ-ի նախագահ Պրն. Պերճ Սեղրակեանի հետ: Հանդիպումը յստակ ցոյց տուաւ որ Պրն. Սեղրակեան տրամադրի չեր լսելու մեր պետական ներկայացուցիչը:

Երբ տարածայնութիւնները սկսան ծաւալի, Դեկտեմբեր 2003-ին սկիզբները, նախագահ Պերճ Սեղրակեանին գրաւոր ներկայացուցինք մեր մտահոգութիւնները եւ առաջարկեցինք նորակազմ վարչութեան մը ստեղծումը, բաղկացած՝ գործունեայ անդամներէ, տեղացի մասնագետներէ, որոնք արդիւնաբեր համագործակցութիւն կրնային ստեղծել ՀԲԸՍ-ի Կեդրոնական Վարչութեան հետ եւ ծառայել Մելգոնեանին: Մեր առաջարկը կ'ենթադրել գործ ունենալ Հաստատութեան նիւթական հարցերով եւ բարելաւել վարչական աշխատանքը:

Յունուար 2004-ին Պրն. Սեղրակեանը հաստատեց պարզապէս թէ ինք ստացած է մեր նամակը: Յետոյ տիրեց լուրթիւնը:

Ապա Կիպրոս ժամանեց Կեդրոնական Վարչութեան անդամ՝ Պրն. Պենոն Սեւանը: Ան եկած էր մեզ համոզելու համար փակման որոշումի առաւելութիւններու մասին: Մեր ճիգերը այս անգամ ուղղուեցան, Պրն. Սեւանի ալ միջնորդութեամբ, Կեդրոնական Վարչութեան հետ կապի շարունակականութիւնը վերականգնելու եւ Հաստատութեան վերելքը ապահովելու համար գործակցելու, թերութիւնները նուազեցնելու համար (նախ վերջ տալով մսխումին եւ սխալ տնօրինումին): Պրն. Սեւան իր մեկնումն ետք մինչեւ այսօր կը մնայ լուր:

Յաջորդող հանգրուանին, Սանուց Միութիւնը ընտրեց պատգամաւորական խումբ մը՝ Նիւ-Եորք մեկնելու համար: Նախքան պատուիրակութեան մեկնումը, Կեդրոնական Վարչութեան ներկայացուեցաւ օրակարգի առաջարկ մը եւ այս առիթով ուզեցինք հաստատել թէ այս հողերու վաճառքը չէ իրականացած: Մեր առաջարկած օրակարգը մերժուեցաւ Պրն. Սեղրակեանի գործակից, կրթական գործերու պատասխանատու՝ Տիկ. Գարօլ Ղալանեանի կողմէ (անձ մը, որ մեծապէս պատասխանատու է Հաստատութեան ներկայ վիճակէն, քանի ան է, որ ութ տարիներու ընթացքին հոգաբարձական մարմնէն խլած է իրաւասութիւնները եւ ամբողջութեամբ յանձնած՝ մեկ անձի՝ տնօրինուիհին ձեռքը):

Հակառակ Սանուցի հետ հանդիպումի առաջարկին ստացած մերժումին, Պրն. Գալայնեան մեծ հաւատքով որոշեց Նիւ-Եորք Երթալ, ընկերակցութեամբ՝ Դոկտ. Ագապի Նասիպեան-Եքմեքեանի (Նախկին տնօրինուիհ), եւ Պրն. Հրաչ Մանուկեանի (ՀԲԸՍ-ի վեթերան անդամ, ներկայիս վարչական

պատասխանատուն Մելգոնեան Առեւտրական Կեդրոնին եւ մտերիմ ընկեր՝ Պրն. Պերճ Սեդրակեանին):

Մեր պատգամաւրները Նիւ-Եորք մեկնեցան տագնապի լուծման առաջարկներով: Արժանացան ՀԲԸՌ-ի Կեդրոնական Վարչութեան կտրուկ եւ ամբողջական մերժումին, ինչպէս նաեւ արհամարհական կեցուածքին:

Տարածայնութիւնները շարունակեցին, ուրացումները անոնց հետեւեցան, կալուածներու վաճառքի մասին շրջեցան բազմաթիւ տարբերակներ: Այս մթնոլորտին մէջ, 16 Սարտ 2004-ին, ՀԲԸՌ-ի Կեդրոնական Վարչութիւնը դաշոյնը իրեց Մելգոնեանի սրտին, մահուան դատապարտելով կտակ մը եւ յաջորդ սերունդներու ապագան: Անիիմն փաստարկներու վրայ յենած՝ Հաստատութեան փակման վերջնական որոշումը, նոյնինքն ՀԲԸՌ-ի նպատակին ուղղուած դաւադրութիւն է: Անոնք ոտևակոխեցին Մելգոնեան եղբայրներու կտակը: Կտակ մը, որուն եկամուտը հաւասաբար իիմնական աղբիւրը դարձաւ ՀԲԸՌ-ի բազմաթիւ ծրագիրներու իրագործման:

Կանխատեսելով նման որոշում մը, կացութեան մասին տեղեկացուցած էինք Կիպրոսի Կրթութեան եւ Ներքին Գործոց նախարարները եւ խորհրդարանը: Ազգային Խորհրդարանը հրաւիրեց Բարեգործականի պաշտօնեայ Կորտըն Անտերսըն, որպէսզի ան բացատրութիւններ տայ փակումը փոխարինող ծրագիրներու մասին: Գործ մը, աշխատանք մը, որ մինչեւ օրս մնաց անկատար: Ան վիրաւորեց Կիպրոսի Խորհրդարանականները եւ «թթեց» իշխանութիւններու երեսին: Կիպրոսի կառավարութեան աչքին ան ներկայացաւ, որպէս ամօթ: Իր կեցուածքով, Միութեան վարկը բեկանող այս անհատին համար Կիպրոսի Պետութիւնը նուաստացման արժանի «Երրորդ Աշխարհի» մէկ անդամն էր:

Կիպրոսի Խորհրդարանի անդամները նեցուկ կանգնեցան մեզի, ներկայ գտնուեցան մեր գլխաւոր ցոյցին, որ տեղի ունեցաւ 24 Սարտին: Յոյց մը, որ մեծ յաջողութիւն արձանագրեց արժանանալով Յայ եւ Յոյն հանրութեան ամբողջական նեցուկին:

26 Սարտի Խորհրդարանի խիստ բանաձեռումը համագործակցութեան կոչ կ'ընէր ՀԲԸՌ-ին, որպէսզի ան Սանուցի եւ համայնքին հետ լուծում որոնէ տագնապին: **Կիպրոսի Խորհրդարանին մէջ, Յեղասպանութեան ճանաչումն ետք, միաձայնութեամբ որդեգրուած երկրորդ որոշումն էր այս:**

Յանրայայտ ոտևակութիւններու կողքին, ՀԲԸՌ-ը ապաւինեցաւ Յայատանի Արտ. Գործ. Նախարար՝ Պրն. Վարդան Օսկանեանին, որպէսզի ան Կիպրոս գայ եւ համոզէ կառավարութիւնը, շնորհու «պատմական ժառանգ»ի հրավիճակը վերացնելու համար: Պրն. Նախարարը մեզի խոստացաւ միջնորդել Պրն. Սեդրակեանի հետ կապ հաստատելու համար: Ան Կիպրոսին մեկնեցաւ դատարկ ձեռքբերով եւ իր մեկնումն վերջ ոչինչ լսեցինք իրմէ Մելգոնեանի մասին:

Այն օրուընէ ի վեր, մենք մեր կարելին ըրինք ապահովելու համար Մելգոնեանին գոյերթը: Նախ՝ «Պատմական ժառանգութիւն» իրավիճակի հռչակմամբ եւ ապա պետական իշխանութիւնները Հաստատութեան իրավիճակին մասին շարունակ տեղեակ պահելով:

Ներկայիս Կեդրոնական Վարչութիւնը համաձայնած է երկու նիկոսիացի փաստաբաններու՝ Նայիրի Սըրիէծ Տէր Առաքելեան եւ Խրիստոս Թրիանտաֆիլիտէսի հետ, պաշտպանելու համար իր շահերը եւ չքացնելու համար շնորհերու «Պատմական ժառանգ» դառնալու իրավիճակը: Ճարտարագէտ եւ գործարար Նազօ Դալիթեան նոյնպէս շահագրգորուած է կալուածի վաճառքի հարցերով եւ կը փորձէ ազգային այս արժեքին կողոպուտին մաս կազմել: Մինչ Յաչ Սանուկեան եւ ՀԲԸՌ-ի Նիկոսիոյ ատենապետ՝ Գարեգին Կոստանեան,

Ներկայիս կ'օգնեն Կորտըն Աստերսընին՝ Յաստատութեան վարչական եւ ֆինանսական աշխատանքներու ծիրէն ներս:

Մեր կողմէ, մենք համաձայնած ենք կիպրական իրաւաբանական ընկերութեան մը հետ, իսկ Գալիֆորնիոյ մեր քոյրերն ու եղբայրները՝ այլ ընկերութեան մը հետ: Չոյզ ընկերութիւնները կը համադրեն իրենց աշխատանքները ՀԲԸ-ի Մելգոնեանի կտակին հանդեպ գործադրած ոտնձգութեան դէմ դատական պայքարին, ջնջելու համար Յաստատութիւնը փակելու անամօթ որոշումը, եւ կանխելու համար վերջին դատադրութիւնը՝ կալուածները ծախելու արարքը ծախողեցնելու համար:

Մենք ամեն ճիգ ի գործ դրինք նաեւ վերականգնելու համար մեր անդամագրութիւնը, մանաւանդ անցնող վերջին տասնամեակներու շրջանաւարտներով: Բազմաթիւ մելգոնեանցիներ եւ բարեկամներ դրականօրէն ընդառաջեցին մեր կոչին: Գալիֆորնիոյ Սանուցը եւ բարեկամները հանգանակեցին \$25.000 եւ երաշխաւորեցին մօտաւորապէս \$100.000 որ պիտի օգտագործուի Մելգոնեանը փրկելէ ետք: Գանատայի Սանուցը նոյնպէս հանգանակած է մեծ գումար մը եւ մօտաւորապէս \$75.000 վերապահած է նոյն նպատակին համար: Լիբանանի Սանուցը նոյնպէս տարած է հանգանակութեան յաջող աշխատանք մը:

Այժմ մենք կը կազմակերպենք ճաշկերոյթ մը, որուն պիտի մասնակցի նաեւ Պրև. Ժագ Մելգոնեանը՝ մեր պատույ հիւրը: Ճաշկերոյթը տեղի պիտի ունենայ Կիրակի 7 Նոյեմբեր 2004-ին, «Խրիսթիանա» Ալամպրայի շրջանը:

Որպէս մուտքի գին ճշդուած է 15 կ.ո.՝ չափահասներու համար, իսկ երախաներու համար՝ 5 կ.ո.: Յանգանակութեան բոլոր հասոյթը պիտի տրամադրուի մեր պայքարին եւ դատական ծախսերուն համար:

Մեծ հաւատք ունինք մեր պայքարի յաջողութեան:

Ձեր մասնակցութեամբ, մենք պիտի կարենաք իրականացնել մեր երազները եւ Մելգոնեանը վերածել 21րդ դարու կրթական առաջնակարգ հաստատութիւններէն մին, որուն արժանի է մեր սիրելի Յաստատութիւնը:

Մենք վստահ ենք որ ճեզմէ շատեր, որոնք կը հակադրուին Յաստատութիւնը փակելու եւ հողերը վաճառելու որոշումին, կրնան ըսել. «Մենք ի՞նչ կրնանք ըսել. անոնք ուժեղ են եւ վերջաւորութեան պիտի շահին»: Մենք կ'ըսենք՝ ըսդհակառակը, շնորհիւ մեր բոլորին ճիգեռուն եւ կառավարութեան օգնութեամբ լայնեցանք կասեզելի կայուածի վաճառքը. այս փաստը ինքնին լայնողութիւն մըն է, որ մեզ կը մղէ շարունակելու աշխատանքը մեր շատ սիրելի Յաստատութիւնը փրկելու եւ ապահովելու անոր գոյերթը:

Մի՛ յուսահատիք, միացե՛ք մեր պայքարին, մեր դատը ճիշդ է եւ մենք անպայման պիտի յաջողինք: «Միութիւնը Զօրութիւն է»:

Ձեր զօրակցութեան համար կը յայտնենք մեր խորին շնորհակալութիւնները:

Մելգոնեանցիական շերմ զգացումներով՝
Կիպրոսի Սանուց Միութիւն

Ատենապէտ՝
Շաւասա Պոհճալեան

Փոխ ատենապէտ՝
Մասիս Տեր Բարթող